

doc liver 文川网
古籍书城
入驻商家
在文川网购买古籍书城 获赠电子书

中國方志叢書·華中地方·第九九號

據

清·黃廷金修·蕭浚蘭等纂
清·同治十二年刊本

影印


江 西 省

瑞 州 府 志

(一)

成文出版社有限公司印行

sk21/01



中華民國五十九年 月壹一版

瑞州府志

全二册

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三三〇一三二二號

印刷者：東南印製廠有限公司

和平西路二段70巷83弄29號

內政部登記證內服台業字第一一四七號

重脩瑞州府志序

盛世無廢而不舉之事羣情有誤而復合之機此運會之適然亦有世道者所不能自己也今

劉大中丞續脩省志檄各郡亦續脩郡志宣上德達下情潤色隆平維

瑞州府志 卷之首

持風教誠盛典也願他郡近或數十年遠亦不過百餘年為時未久耳目既可編及而相沿相襲彼此復坦然無疑踵舊增新事半功倍大率類然獨瑞則異是余莅瑞下車見其風俗之茂美人志之奮興竊喜之及詢其郡志入

國朝無編輯者二親之已而察其所以遷延

之故則以浮糧一事始則同害相戒繼則同利相爭而當事者亦謂人情難調事勢難集相典因循而莫之問蓋其所難者又不僅世遠事湮已也雖然此注事也越今又二百年矣隍自蕩平粵遂以東郡中百廢具興如

瑞州府志 卷之首

廟郡治考糊書院凡夫風化所闡政教所繫郡人士莫不同心協力以復其前規十年之間寢守稱完善焉是則人情之大可見者况志乘所闡尤鉅哉爰集郡人士而商之且告以時不可失余曰此吾郡道

docsriver 文川网
入驻商家 古籍书城

在文川网搜索古籍书城 获取更多电子书

憤也怒然於心者久矣然非使君王之任
 其任者余迺知從衆請先於署內摺
 摺成性隨開局延法為紳泰極互勸
 前後期年而書成既成郡人士歸美
 於余曰廢興之由機在人心以余謬隨
 何足以拯能輸是非衆論全同不我選棄
 瑞州府志 卷之首 三
 又得法君子渴枕交贊焉能庸脩隆舉以
 補前人所未逮然則斯志之成衆未
 也余何力哉余何力哉將付手民故敘
 其緣起如此至於山川人物編次義例
 則有全志在
 同治十二年歲在癸酉仲冬之吉知

瑞州府事楚北黃廷金謨并書



瑞州府志 卷之首 四

四

瑞州府志舊序

正德六年賜進士中順大夫瑞州府知府河間任丘鄒璠序曰正德辛未予承乏瑞州疆域遠邇土地肥磽風俗靡瀉人物賦否與夫貞賦紹建沿革災祥俱無所于知爰訪舊志俾得一二附於民家又至治以前事也古今不相及此足施之政哉今之於後爵昔之於今失傳之責其何以辭時高安司諫胡公鎮侍御熊公相節推傅公朝以請禮在告得肆力於厥翰乃采錄遺跡與我因朝實錄延請是正尉學訓洵生員劉弘道朱夢昌俱同事焉兩閱月成編今而後彌之遠邇吾知慎固之土地之肥磽吾知哀益之風俗人物貢賦紹建之瑞州府志

卷之首

十

類吾又知激勸祇承之官有定守民有定志匪直文具而已雖然郡志之修公是非而昭鑒戒邦人豈行先德無俟於言然振舉軌範機在官守仕於其地者不知代有幾時吏有幾人必功庸操履乃書若曠廢不任存其名焉耳是志不可以不修而仕者亦不可以不自修嗚呼及時而功不立沒世而名不稱君子耻之况天下後世公論難掩可不畏哉可不知所勉哉諸公曰郡志修於執事固將以倡於先也其自處當如此

瑞州府志舊序

正德十年乙亥三月吉賜進士文林郎河南道監察御史在告高安熊相序曰古者列國皆有史官以紀古書事今郡古國也而史廢矣匪志時賴其可書而記者將何以詔天下後世瑞為江右大郡歷代有志至我朝乃缺焉百五十年事漫無可考豈為政者不知所重邪匪人弗任匪時勿成固亦艱矣我英宗睿皇帝嘗命儒臣纂大明一統志彼為天下作故畧焉而不詳苟有疑于一州一郡者能使無遺憾也哉正德辛未任丘鄒公璠來守瑞值華林倡亂越明年始平又明年公謂通守段公泰張公易宗節推汪公溶曰志茲其時不可瑞州府志

卷之首

二

失也今弟子員曠可草創者愈曰劉弘道朱夢昌邑博士曠討論曰吳尉君浩鄉大夫疇闕色曰胡君鎮傅君朝又誰可者曰熊君相雖在告病匪心目可以佐之公喜曰事濟矣乃吉以文乃集以事乃視諸先志楊升雲序曰參之舊志據以新聞為圖於首則職方氏之遺意列志於後則班孟堅之家法斯言言哉吾師之又觀之一統志貫古今於是乎有建置沿革表方鎮於是乎有山川形勝敦世尚於是乎有風俗本教化於是乎有學校書院宮室以居關以譏梁以渡祠廟以祀丘墓古蹟以藏以識名宦人物以樹風聲啟景行下至寺觀仙釋亦不遺焉哀哉國制吾從之其他若天文地理財賦

諸節秩官選舉恩例從祥遺事考異詞翰之類或因舊爲新
或推畧爲詳皆有裨於一郡初非旁涉以誇多也嗚呼自至
治以迄正德而瑞志之修僅此一見何其希濶寥絕甚也或
者亦有數歟一旅者與修輯者之功爲益大已高安尹應君
恩與有力焉併告之以告續志者

重修瑞州府志舊序

聞之語曰史之難無出於志豈不謂史可嚴刪述以尊其體
而志則輿議必稽纖瑣必載也夫狗議則近濫志瑣則近徑
脫信意抒辭則又似文非志所稱難也不其然乎天下郡邑
初各有志而後來之修輯者類相與諉而不任豈盡傳舍其
官總總未及亦正慮前數者之難恐高識之士議其後耳即
如筠志國朝建罷二百六十餘年內惟正德時前守任丘鄭
公璠一修纂之前此後皆寥寥也如謂鄭公獨暇及此則
時方有巨寇之警守禦未完疔庚未起而公偏有意乎文獻
之微微鄭公則後之官筠者雖欲以政學得乎頃以予之寡
味承乏是邦甫至即暇諸故實及郡事因革之宜質質莫得
其要椽史以舊志進則刻久漉漫半不可讀徐釋而讀之稍
得梗概乃距鄭公又伯有十五年矣予因重識公功而益嘆
載乘之難會代狩石倉曹公按部歷筠首謂筠雖瘠壤寔仕
國也昔賢如蘇次公楊文節公皆歷官其地應史君鍾
南平岳武穆皆保障其民靈傑之規必有足述者亟索郡志
觀之訝謂太簡且曠歲久矣予對謂鄭志修於華林兵火之
餘既又聞江藩陰蓄異謀瑞有密邇隄防之慮倥傯申摭拾
得此業爲不易公曰信哉正德之季距嘉靖初爲年幾何使
鄭君得際熙隆之時肆志討論必可厭觀但今又踰百載矣

寧必借才前人耶予固謝不敏謂百年內能吏多矣率未及此其有深心走何能爲役公曰雖然不聞子厚氏之論史乎今人讓之後人後人又讓後人是終無作者也慎毋辭予雖唯唯實弗敢任又徧請賢於當道當道皆嘉勉如曹公言予再商之僚友諸公又皆贊決如當道言始敢按舊志詢其同異併訪近事於筠人士因就正於鄉先生陳公胡公鄒公熊公劉公王公吳公請教言焉屬草未半欣聞今上龍飛五位文命誕敷制作更始於是別駕楊公司李徐公語予曰袁謂鄒公纂修郡乘恨不及始靖之隆今主上同符甫皇而公於此繼鄒公之志非文明時應有之舉乎予謝曰我輩憤憤不

瓊州府志

卷之首

五

及前人故造物假之遭逢以蓋其短抑惟藉于諸君微靈巧社稷俯識小之一班耳於時携草人覲還筠乃卒業焉抑因舊志而類次之即有所點擷亦不過詳其所畧畧其所繁無敢臆爲去取一皆本鄒公之旨而例推之者也正德後事則又推義例而廣之以便覽觀舊板旣蒙因續爲合刻以復曹公所命至其合發與否固不自知且筠地從來多博奧之英如高安劉壯與氏稽古多聞與蘇黃相上下嘗取歐陽五代史摘其掛漏作糾謬論以示兩蘇兩蘇不能屈乃知述作之難卽廬陵不能無說况以今之譎譎者而欲參爭壯與之鄉也不自候望洋河伯哉雖然失今不志卽壯與復起將無所

據其謬而糾之則又守土者責也用是勉次簡編以俟後之宗匠崇禎建元秋日瓊州府知府會稽陶履中謹撰

瓊州府志

卷之首

六

重修瑞州府志舊序

經國之大業莫如文之大業莫如史墳典丘索三皇五帝之史也書禮唐虞三代之史也詩周與列國之史也春秋則傳史而聖手裁之以立教者也三代以上之史即為經三代以下無聖人則無續經即紫陽綱目且避春秋之嫌於是垂世立教史特重而史才亦重矣周禮邦國之志小史掌之四方之志外史掌之則志與史同道而異名其立義例昭勸戒是非稍謬即馬遷歐陽人得彈射於是史才難而郡志邑乘家譜之才亦難可知矣噫嘻禮徵文獻予謂文在即獻在郊子論官仲尼曰天子生官學在四夷所學何據韓宣子聘魯瑞州府志

卷之首

七

璉讀此而竊有嘆焉筠瘠郡也可幸在此可憂亦在此何以言之夫郡瘠則土風朴真氣固民勞而思善士尚文學敦節義且無遠稽異代陶淵明劉道源幸震甫姚成一等我明英賢輩出或鐵面而死直或虎眼而善斷或拒婚分宜不以一揖易宰相或清瀟古人諺有絕糧之侍而或萬死翊駕於北狩或廷杖批鱗於南巡甚至布衣而全宜豐歸貞主邑椽而尹深陽稱名臣何烈烈也近時名公宦蹟士女節義尤為簡不勝書夫其瘠土之民多才乎可幸也然有大可憂者在郡境廣輪幾何厥田下下國初里猾黎伯安以偽漢橫征之籍虛報邀賞遂令三邑賦額幾倍於宋元蓋至今而皮毛將盡矣夫民不安則易動先朝華林劇盜破城燔署殺人如麻前車可鑒然則今陶公徐公之為此志也其有無疆惟恤之意乎璉才鄙陋何堪授簡敢書此以為未雨撤桑之一助賜進士第奉政大夫吏部考功清吏司郎中郡人鄒維璉撰

卷之首

八

瑞州府志目錄

卷之首

序 舊序 凡例 圖形

卷之一

地理志一 星野 疆域 沿革 山川 津梁 附水利

卷之二

地理志二 古蹟 風俗 物產

卷之三

建置志 城池 署驛 壇廟 寺觀 附坊第 附不濟院

卷之四

瑞州府志

目錄

食貨志 戶役 田賦 起運 倉儲 附雜稅 附驛

卷之五

學校志 學宮 學制 學額 附學田 書院 附社學

卷之六

武備志 兵制 保甲 附驛遞鋪遞 兵事

卷之七

秩官志一 文職 武職

卷之八

秩官志二 名宦

卷之九

選舉志一 薦辟 進士 武進士

卷之十

選舉志二 舉人 武舉

卷之十一

選舉志三 授例 吏員 武職

卷之十二

選舉志四 五貢

卷之十三

人物志一 名臣 宦績

卷之十四

瑞州府志

目錄

人物志二 儒林 文苑

卷之十五

人物志三 忠義 孝友 懿行 隱逸 方伎

卷之十六

人物志四 列女

卷之十七

人物志五 列女

卷之十八

藝文志一 疏 記

卷之十九

藝文志二 記序

卷之二十

藝文志三 傳 書 銘 表 文 賦

卷之二十一

藝文志四 五古

卷之二十二

藝文志五 詩

卷之二十三

藝文志六 書 日

卷之二十四

瑞州府志 目錄

雜類志 仙 雜 藝 事

三

瑞州府志卷之首

凡例

一瑞州志舊志云昉自元至治二年學正楊昇雲案冕公武郡齋讀書志瑞陽志十卷縣志三卷郡守周綸修郡人雷孝友序之則南宋已有作者不自元始也明正德十年鄭守璠一續之崇正元年陶守履中再續之今郡志已不可得何問南宋即陶志距今亦二百五十年矣代遠事湮此次續修實同創舉雖三縣志間有參討然諸屬總統處蒐探散佚尙須從新起義故視他郡之踵而增者較爲不易一陶志搜得一帙所謂舊志也遺編之存幸得稽手但前代

瑞州府志

卷之首

凡例

一

典章合之今制類不相宜其門目太無統紀其編次不免雜施且三縣志取錄於此者又皆自爲體例彼此不同難於決擇茲一遵通志局頒定十門每門各繫條件庶綱舉目張歸於畫一

一新志俱創自前明嘉靖間高志則康熙十年始修以其附郭前此統於郡志也然自入國朝以來郡志未輯二百餘年軼事茫如捕風又幸有高志附載一二得以尋緒而求故凡秩官解署學宮及一切文藝之有關於郡者上新距城遠未及紀載大率取之高志居多

一星野本屬天文舊志另列一門固已但郡邑志與史不同

史統舉六合郡邑分紀一隅且星而曰野仍緣地起義茲依通志例歸入地理之首似較允協

一府志載筆較縣志爲謹嚴如山川水利津梁古蹟有縣志已登而府志未載者非漏也縣志紀其詳府志舉其要體例故自不同

一向來志例必列形勝一門不知有山川疆域便是形勝乃必標古人記傳中贊抱控帶等語勉強充勝成幅殊覺無味茲不復列

一建置之屬如城池壇廟公廨所關者大記載不容不詳至於坊第誌一人一事之盛自當別論通志不列此條良有

瑞州府志

卷之首

凡例

二

以也茲閱舊志及三縣志所載似涉煩瑣故第計其總數若干附載建置之末

一戶口田賦因時異制增減不一其顛末悉詳縣志茲照同治二年修輯賦役全書頒發瑞州府全冊登載並將三縣征總分列於後俾閱者一見了然

一學校各款廢闕更移爲時已久無從覈實茲將採訪所及暨現在所存所行如名宦鄉賢學產學額書院租具大略定爲規制其有未全未備者姑闕焉以俟後入

一武備舊志第列官秩兵弁及驛遞夫馬等項未紀兵事茲因成豐開粵邊擾彙載兵事一條標明年代俾得稽時

察變思患豫防其有團練事宜各詳縣志不載

職官新故遞更勸戒所繫古人所以重題名也邵文武職

陶志以前尚可攷入 國朝來祇乾隆後有卷可稽前此

百餘年盡歸泯沒雖間蒐得十餘名尙多遺漏重可慨也

又名宦傳已登者仍之未登者續之亦有舊志遺漏如宋

之桂子恭周應合蕭价元之咬佳係從新搜出者又如國

初之莊安蔡諸公近時之劉武烈等皆有大功於鈞者義

應增人

一瑞郡人才輩出崑崙和會文武兩科及五頁已不勝錄若

再加之未免遺漏茲於封贈蔭襲及雜途未經出仕者一

瑞州府志

卷之首

凡例

三

概不載

一人物志分晰名目部各不同茲一依通志例第既有儒林

理學一門可以不設其餘名臣孝友亦名難副實均從簡

慎至慈行一門尤易濶難必其有實事可紀者始行編入

不得濫收

一忠義原非專言死節然死者人之所難近年被兵殉難者

悉照縣志歸入忠義類其兵勇姓名不及縷載總其人數

而已

一名宦暨人物各傳凡舊載新增文有敘述繁冗者大半刪

汰從簡務期事覈不取鋪張

舊志不列藝文所有文詩散附於山川古蹟人物之末綴

以小字殊覺累贅淆雜茲仍編藝文一條凡文徵詩徵彙

歸一處俾便尋閱

碑記之文紀前代名賢遺蹟城池解宇修廢事關宇故故

所錄從多其他疏序書傳及墓表雜文每類均量存數篇

亦搜羅文獻所必及也

一詩須辨類先右體次律詩次絕句其間佳詩有以事傳者

有以人傳者不必盡關郡邑古蹟亦有中切而詩未見佳

者不能拘泥濫存

一錄載書目原係漢書舊例具三縣所錄應存與否未敢臆

瑞州府志

卷之首

凡例

四

刪始一仍其舊第

國朝著述為時尚近亦有人尙生存必俟論定故所載一以明為止

一雜類拾遺補闕志之餘也茲將各志所載仙釋軼事綴輯

編末凡傳疑辨異雜記之類皆附焉總之此次編纂總數

百年將隆之緒從新立制諸期詳盡故例言不嫌多其有

未底完善及一切尙須增刪者務冀博雅諸君匡所不逮

瑞州府志首卷

總修

瑞州府知府 黃廷金 湖北人丙辰進士

協修

同知 銜高安縣知縣 德海 漢州黃旗人庚寅

同知 銜上高縣知縣 趙惟熙 四州人辛酉拔貢

花翎 運同銜新昌縣知縣 胡傳釗 湖南人

泰校

署瑞州府教授 雷鼎印 南昌人壬戌舉人

瑞州府復設訓導 曹思謙 撫州人國貢

瑞州府志 卷首

高安縣 復設訓導 湯寶中 撫州人辛亥舉人

上高縣 復設訓導 甘紹 南昌人甲子國貢

署上高縣復設訓導 劉嶽 安福人庚寅舉人

署新昌縣 教諭 王及紹 都昌人壬戌舉人

署新昌縣復設訓導 熊福山 豐城人增貢

纂修

前雲南布政使 蕭浚蘭 高安人甲辰進士

前浙江補用同知 熊松之 高安人乙酉舉人

前湖廣道御史 彭桂馨 高安人丙辰進士

前 姑 司 巡 檢 沈時獻 浙江人附貢

大 姑 司 巡 檢 黃慎 浙江人吏員

候選 教諭 褚景昕 高安人丙午國貢

前 乘平縣 教諭 朱於 高安人己酉舉人

前 弋陽縣 訓導 金鎮濤 高安人辛亥舉人

同知 銜 揀選 知縣 陳丹書 高安人甲子舉人

揀選 知縣 易漢章 高安人甲子舉人

揀選 知縣 羅作霖 高安人丁卯舉人

候選 直隸州州判 鄒景虔 高安人丁卯舉人

候選 教諭 李琳 高安人辛酉拔貢

附 貢 生 胡英斌 高安人

陞用 同知 直隸栢鄉縣知縣 劉湘 高安人壬辰舉人

瑞州府志 卷首

山東 卽用 知縣 熊茂林 高安人乙丑進士

覺羅官學 教習 揀選 知縣 張履祥 高安人己未舉人

揀選 知縣 劉沛然 高安人甲子舉人

督刊

瑞州府 經歷 閻緝熙 直隸人儒士

同知 銜 揀選 知縣 高安縣縣丞 宗周 四川人附生

上高縣 縣丞 巢光許 江蘇人監生

提舉 銜 揀選 通判 新昌縣縣丞 羅亨城 高安人監生

灰 半 司 巡 檢 黃慎 浙江人吏員


大 姑 司 巡 檢 沈時獻 浙江人附貢

候	新	上	高	黃
補	昌	高	安	岡
	縣	縣	縣	司
典	典	典	典	巡
史	史	史	史	檢
寇	鄧村	范	淡	馮
梁	牧	大	春	嗣
		章	明	恩
				<small>浙江人監生</small>
				<small>甘肅人監生</small>
				<small>浙江人監生</small>
				<small>廣東人監生</small>
				<small>湖北人附生</small>

瑞州府圖

瑞州府志

卷之五




高安縣圖

瑞州府志

卷之四

三



docsriver 文川网
入驻商家 古籍书城


在文川网搜索古籍书城 获取更多电子书

上高縣圖

瑞州府志

卷之五

五




新昌縣圖

瑞州府志

卷之首

七




府署圖

瓊州府志

卷之四

九




城池圖

瓊州府志

卷之首圖

十三




文廟圖

瓊州府志

卷之四

十三



瑞州府志卷之一

地理志 星野 疆域 沿革 山川 津梁 附水利

星野

瑞州古豫章郡地晉天文志及前明清類天文分野書並云豫章入斗十度乃本府舊誌稱入斗十三度終十四度此猶不甚相遠及按唐天文志則云豫章說會稽南逾嶺微為越分夫越屬牛斗而牽牛去南河浸遠則本府安見其果屬斗分耶且按晉書隆安四年大陰犯牽牛而是年豫章水災則屬牛似乎有驗總之此說不能無疑今姑據舊誌存之

瑞州府志 卷之一

地理 星野

分野瑞州起南斗十三度四分終十四度四分有奇

按春秋傳在列國謂之分星在九州謂之星土星紀為越之分星而為揚州之星土劉向曰吳越屬斗牛女分漢地理志曰吳斗分野晉史曰斗牽牛須女吳越揚州唐書曰豫章星紀之分宋天文志云南斗六星魁第一星主吳二會稽三丹陽四豫章五廬江六九江按南斗二十五度每一星得四度一分分之六有奇豫章起斗十二度六分終十六度六分有奇以地理分之每百里得九分之二有奇諸郡居瑞之首者三百六十餘里繼瑞之尾者一千二百七十餘里然則瑞之分野豈非起南斗十三度四分終

十四度四分有奇也哉

次舍瑞州次星紀丑位

按晉書自南斗十二度至須女七度為星紀於辰在丑吳越之分野屬揚州丑位即星紀次舍斗牛二星麗焉瑞州既起斗十三度終十四度其次舍當在星紀

麗屬瑞州麗北斗權星三台司命星

按史記天官書二十八舍主十二州斗柄兼之雍屬魁星冀屬樞星交青屬璣星徐揚屬權星荆衡星梁屬陽揚屬瑤光此以九州屬北斗星有七州有九并皆於充台揚與徐故以七星而主九州也瑞屬揚州當麗權星又宋

瑞州府志 卷之一

地理 星野

史云上台上星主兗豫下星主荆揚中台上星主梁雍下星主冀下台上星主青下星主徐揚州當麗上臺之下星占候主熒惑星五車星

按星經熒惑主揚荆又曰主楚吳越瑞州古揚州吳越之地凡有災祥當占於熒惑之所經行又按宋史五車在畢宿北西北大星曰天庫主秦分東北一星曰天獄主燕趙分東南一星曰天倉主魯衛分及徐并州次東南一星曰司空主楚分西南一星曰卿主魏分及益州三星主五穀豐耗瑞州舊屬楚占五穀者必於司空星占焉

論曰筠志分野屬斗回已乃入度之淺深有歧說焉至別考

占候家言又謂麗牛有徵何哉因思王子安康王閣詩序首言星分翼軫後人多譏其誤謂是少年馳騁之文不暇詳核及考呂覽諸書吳楚之分其星翼軫彼蓋先舉衡廬大勢言也孰謂王生誤哉下稱斗牛之墟則較然矣甚哉議古之不易也 以上舊志

按陶論及高安上高舊志於麗斗麗牛諸說均兩存之以天事本難知也高志又據九江距豫章南昌距瑞州里數辨志載入度之不符更顯然可驗然此猶就豫章瑞州一隅言也至上高林志引劉凝崇義縣志本謂周天度數地全體應之上天一度下地二百五十里確不可易今南

瑞州府志

卷之一

地理 星野

三

自瓊州北至開平等處從南涉北不過得二十四度徑六千里在大地全體十五分之一耳豈有穹隆圓象專為大千而設哉其說直破前人鑿然中理又引熱河志謂分野之說自周官秦漢以來傳述不一在天或以次或以星在地或據州或據國中土之地已盡二十八宿分位推之大地七萬二千里數有所窮是中土星野之分特出於天文家之沿襲附會未足為據也其言深切著明附錄之以備考驗

疆域

瑞州府居江西省城之西轄三縣東西廣二百二十五里南北袤一百零五里東南至西北隅長二百九十里西南至東北隅長二百六十二里

東至南昌府新建縣界五十五里招山為界

西至袁州府萬載縣界一百七十里連鄉嶺為界

南至臨江府清江縣界六十里曲水湖為界

北至南昌府奉新縣界四十五里鸞岡嶺為界

東南至南昌府豐城縣界七十里牛鼻嘴為界

西南至袁州府萬載縣界二十里乾陀嶺為界

瑞州府志

卷之一

地理 疆域

四

東北至南昌府奉新縣界四十二里虬嶺界埔為界

西北至南昌府義甯州界二百一十五里土地坳為界

自府城至江西省城一百二十里至江南省城一千七百里至京都四千九百六十五里


高安縣附郭東西廣一百八里南北袤一百十里東南至西北隅長一百五十里西南至東北隅長九十七里

東至新建縣界五十五里招山舖為界

西至新建縣界五十三里龍骨橋為界

南至清江縣界六十五里上部河為界

北至奉新縣界四十五里鸞岡嶺為界



東南至豐城縣界七十里牛鼻嘴爲界
西南至上高縣五十五里株林山爲界
東北至奉新縣界四十二里虬嶺爲界
西北至奉新縣界八十里白雲山爲界
鄉十七

信義 新豐第一 新豐第二 仁孝南 仁孝北

洪山 崇本 易俗 來賢 歸厚 永壽 豐安

調露 宣政 旌義 萬碩 務農

共十四區四十六都一百五十五圖

上高縣在府城西南一百二十里東西廣一百二十五里南

瑞州府志 卷之一 地理 疆域 五

北袤四十八里東南至西北隅長一百二十里西南至東

北隅長九十里

東至高安縣界三十五里河口壩爲界

西至萬載縣界九十里茶亭嶺西猪婆窩爲界

南至新喻縣界三十里橫坑爲界

北至新昌縣界十八里清水橋爲界

東南至高安縣界四十里傅家墟冲湖爲界

西南至分宜縣界五十里石獅嶺爲界

東北至高安縣界四十里尺嶺爲界

西北至新昌縣界八十里石牛山爲界

鄉十五

義鈞上 義鈞下 宜風上 宜風下 千春上

千春北 望蔡上 望蔡下 旌儒 感仁南上

感仁南下 感仁北上 感仁北下 禮賢上 禮賢

下 共五區五十二圖一百四十八圖

新昌縣在府城西一百二十里東西廣一百一十七里南北

袤一百一十里東南至西北隅長一百二十五里西南至

東北隅長一百二十里

東至高安縣界六十七里龍骨橋爲界

西至萬載縣界五十里蓮香嶺爲界

南至上高縣界三十里浚江口爲界

北至義甯州界八十里八疊山爲界

東南至上高縣二十五里交坑爲界

西南至上高縣四十里荷塘爲界

東北至奉新縣界八十里敷竹棚爲界

西北至義甯州界一百里黃葉仙壇爲界

鄉八

太和 宜風 義鈞 新安 天德 太平 天寶

廣賢

共六區四十一都一百二十三圖

按疆域一門創載廣袤四至里數高安疆域志獨闕此不解所謂茲郡志補之又舊志所載三邑里數查上新兩志多不合上新兩志所載里數查新頒江西全省輿圖又多不合大約未經履勘之前說傳歧出其來已久茲幸勘聚詳確勒有成書一遵全省輿圖所訂照數分載庶無參差舛錯之弊

瑞州府志

卷之一

地理 疆域

七

沿革

瑞州禹貢在揚州之域春秋屬吳句踐滅吳屬越戰國楚滅越屬楚秦始皇分天下為三十六郡時屬九江郡

漢初改九江郡為豫章郡時為豫章郡之建城縣新莽改曰多聚靈帝中平中析建城置上蔡縣徙汝南上蔡人居之故名地即今上高

三國吳黃武中析建城上蔡增置宜豐陽樂二縣宜豐即今新昌屬豫章郡

晉武太康元年以上蔡人思歸改名望蔡又改陽樂為康樂東晉太元中併宜豐入望蔡梁初復置宜豐均屬豫章郡

瑞州府志

卷之一

地理 沿革

八

隋開皇九年並望蔡宜豐康樂三縣入建城屬豫章郡

唐武德五年安撫使李大亮宣慰江南以隱太子諱奏改建城為高安此高安得名之始即其地置靖州仍置望蔡宜豐康樂華陽四縣屬焉七年改米州未幾江南道都督鮑

安仁奏改鈞州八年安撫使韋季武奏廢州併四縣入高安屬洪州僖宗中和間以故望蔡居高安上游初置上高

鎮此上高得名之始

南唐保大十年復置筠州統高安上高萬誠清江四縣以宜豐舊地為鹽步鎮屬高安上高本鎮名昇元中立為場至

是升為縣

宋開寶八年定南唐仍置筠州割萬載縣隸袁州太平興國

七年分高安之天德太平鄉上高之大和宜風鄉於臨

鎮置新昌縣此新昌得名之始淳化三年又割清江縣隸

臨江紹興十三年州守莊紳請改筠州為高安郡轄三縣

十八年復名筠州寶慶元年以州名近理宗嫌名時郡治

產瑞芝遂改筠州為瑞州此瑞州得名之始轄縣如故屬

江西道

元至元十四年改瑞州為瑞州路設遠粹花赤總管萬戶府

隸江西行省轄錄事司一縣三元貞元年升新昌為州仍

隸焉至正壬辰徐壽輝陷本路旋復之辛丑偽漢陳友諒

部將劉伍偕據甲辰明太祖滅偽漢瑞州歸附

明洪武二年改瑞州路為瑞州府除錄事司領州一縣二屬

江西布政使司五年復新昌為縣自是轄高安上高新昌

三縣

國朝因之

按沿革舊志前後總敘一篇亦極詳明然未另提行分列

朝代似不便覽觀茲從上高志例改正又敘府即可該縣

其間雖小有異同已詳各志無庸再列三縣且鄉都圖數

例應歸疆域一門續載於此亦屬未合均酌改正

山川

高安縣

碧落山在府治後上有碧落堂亦名鳳山相傳唐武德時應

智顛作守有鳳凰集此故名

小洞山在縣治西北府學右有清規寺宋蘇子由與王國鎮

探菊有句云菊花金粟未曾吐桂酒鷺鷥空自黃明景泰

初知府夏景建清風亭今改洞山福地

逍遙山在縣治西鍾秀門外唐元和十年徙元陽觀於其上

今為妙真宮山左有仙人李八伯葫蘆井及煉丹臺

天恩山在縣治東南朝陽門外山麓有真知寺宋呂祖儉上

瑞州府志 卷之一 地理 山川 十一

書竹權臣安世筠州寓此自號大愚叟今墓在焉

蘇孟山在大愚山對面

龍化山在縣城西南上蔡門外舊傳東晉時有龍乘雲化去

故名

以易山在縣西北五十里有奇石成以易二字倒插淺嘗居

其地者多以易發科甲上有果老牀上天石紅梅崖夜台

石瀑布泉大黃荆樹諸勝又山下有石圍如珠亦名龍珠

山朱軾有以易山記

白鶴山在縣西北七十里世傳東晉時仙姑丁秀英白日乘

鶴飛昇舊有白鶴觀

高胡山在縣西北七十里有仙壇在絕巖遇旱祈禱多應見陳夫乞傳

鳳嶺山在縣西七十里刺史應智瑣管屯兵其上嶺勢峻拔遠望如鳳

白雲山一名浮樓山在縣西北七十里下有超果寺東西有澗有瀑布泉

飛霞山在縣西七十里豫章吳真人猛修煉之地每齋醮常有鶴數百棲息旬日乃去復有彩霞覆之

蓮花山在縣西四十二里因其峯巒攢簇如蓮花也梅墩山在縣西四十里下有靈寶觀即梅子真煉丹之所

坡山在縣西四十五里因蘇東坡遊此故名社山在縣西四十里南有樟木枝葉鬱茂多奇鳥棲止土人異之立為社壇歲時祈禱

西龍山在縣西四十五里蜿蜒起伏如龍又其能來自西北故曰西龍

雞籠山在縣西南六十里一名鳳凰山高數百仞其上多異草遊者攀援而上西有石壁循其下望之如鳳凰天馬壁

下有古壇壇下有洞天將雨雲霧出焉歲旱禱雨輒應

按陶志西龍山亦名雞籠山高安志據鄭志西龍在治西四十五里雞籠在治西南六十里明係二山陶志誤

瑞州府志 卷之一 地理 山川 十一

合為一今從分載

米山在縣北二十五里其低平通行處名米嶺豫章記四面流泉土田膏沃生禾香茂為米精美故名唐武德七年改州名為米州者以此

華林山在縣西北八十里半屬奉新境玄秀真人於此築醮瑄隋大業末應智瑣遣義軍羅武於壇側立將軍廟後遂

號為羅武廟其山絕險元至正間李晉成王晉敬明正德間陳福一羅長一皆據此巢穴為寇

敗伏山在縣南百里方輿記陳武帝與賊戰於此破其伏兵

瑞州府志 卷之一 地理 山川 十二

折棠山在縣西南七十里

青山在縣西南六十里

馬鞍山在縣東南二十里其形儼若馬鞍

荷山在縣南二十五里豫章記池有紅蓮故名仙人王子喬駕白象來遊象化為石名白象石今山巔有丁王二僊壇

壇下有樓霞觀黃金城亦名小浮邱

遼山在縣西南四十里山下有宋齊邱故居宋景定間郡人姚勉胡仲雲劉元高曾遊此有藍陂蔭田無算下有石水

橋上有鴛池橋山巔有唐末楊權二將軍廟時二將奉詔索劉侍郎偵其賢且為仇者所劫不忍索遂登山觸石而

死鄉人義之立廟祀焉明教銑劉文光鄒元標前後詠遊
有記刻石

鈞山在縣南三十里有宋劉渙故宅山北有劉恕讀書堂遺
址嶺有劉仙翁洞

辛山在縣南四十里又名石灰嶺宋山川記云山產燃石以
水沃之即燃指鼎可烹邑人吳夢陽有氣蒸不待薪水活
可烹鼎之句

過山在縣東南七里山巖然若連珠

招山在縣東五十五里

謝山按方輿記在縣西北八十里上有奇峯怪石相傳謝仙
瑞州府志

卷之一 地理 山川 五

君仲初煉丹之地有丹竈履跡儼然

洪石峯在縣西八十里

慈雲峯在縣西北六十里張無盡遊此有詩通志作張商英

英臺峯在縣西北三十里斜谿之西三峯如台星故名

白雲峯在縣西南三十里至元間有里人入山自詭辟穀以
惑眾

石鼓嶺在府城西與府學對峙下有潭上有石鼓臥牛石石
上有仙跡說者謂其嶺高曠弗峭文士多晦知府鄭璠伐

石梁塔其上卓然如筆名曰筆峰今廢邑人胡頌有記

至嶺近華林山有南北嶺三寶嶺皆危峻正德七年官兵屯

此以詩華林古諺曰若要華林敗三寶去立寨少南曰南
山

李家嶺在縣西六十里下有石洞民多避寇於此

龍珠嶺在縣西北即龍珠山最高處

尖峯嶺在縣西北四十里上有峭石形如刀鋒有隱士黃堂
遺跡

真武嶺在張坊鎮旁有龜蛇山

余博嶺在縣西北近丁坊

仙姑嶺在縣西北四十五里一峯尖聳峭立羣山之上至路
口分兩支山勢踴躍迤邐而南蘇谿斜谿二水界人蜀江

瑞州府志

卷之一 地理 山川 五

青石岡臺峯坡山社山雲岡敖香嶺皆其山之正脉

多寶嶺在縣西南六十里

虎跡嶺在縣西南五十里晉晏仙騎虎飛昇之地石有虎跡

曠嶺在縣西南三十里府學門對之峭峯如畫

神前嶺在縣西南三十五里

陰岡嶺在縣西南八十里舊墟市設巡檢司今廢

琴嶺在荷山之前上有仙井俗傳丁王二仙藏琴於此

楓嶺在縣南二十五里

望珠嶺在縣南二十里俗傳丁王二仙遺珠於湖登嶺望之

因名

docsriver 文川网
入驻商家 古籍书城

在文川网搜索古籍书城 获取更多电子书

象道嶺在荷山之旁舊傳王子喬駕象所經故名

五龍崗在府治西本鳳山之右翼下有潭深數仞上有廟先

祀額陰侯灌嬰後祀唐刺史應智頊今為城隍廟

龍崗在府城東一里梁太清間為龍岡寺唐即其地建靖州

今為禪寂院

退田崗在縣西北二十里相傳兄弟有訟田者至此而悔故

名

青石崗在縣北四十里暴雨後有石錢石磨等物如指大者

甚多

雲崗在縣西二十里左有藍塔前有掛榜山

瑞州府志

卷之一

地理 山川 五

白竹崗在縣東北二十里或謂其地多產白竹故名

春洞在府治碧落山每遇立春洞中陽氣上蒸人以雞鷄羽

投中試之輒軒舞而出古諺有袁州更鼓瑞州春謂此

遊山洞在遊山洞中寬敞有穴透光可以避兵

劉仙翁洞在鈞山仙翁廬陵人來遊蜀水逐鹿入洞遇仙

迷仙洞即碧落洞又名李八百洞旁有磨劍池宋太守羅薦

可易名蘇轍遊八百洞有詩見藝文

火石在調露鄉色黑如鐵相傳丁仙姑煉成者丁氏覆以亭

世祀之高安志載火石在丁坊明輝橋側色紫丁綱知韶

州載歸覆亭祀

珠石在縣西北六十里山形如龍傳是龍所戲珠也

插天石在李家嶺石符高七八丈

鈞刀石地名鈞刀有金甲神廟甚靈顯民多祈禱

鮎魚洲在縣東二十五里為高安一勝境當錦江水口之衝

中流突起竹木繁茂春夏水溢洲隨水長秋冬四周白沙

如雪上有樓閣可供遊眺

錦江一名蜀江一名錦水自袁之萬載發源至上高合新昌

水入江經府城東入章貢按地理志建城有蜀水東至南

昌入鄱湖又按神仙傳許遜為蜀旌陽令江左民多疫詣

旌陽求救遂與以符水一器竹一枝令植竹江濱投符水

瑞州府志

卷之一

地理 山川 天

上流病者飲之輒愈故襲其名曰錦江

清湖在縣東十五里水四時清瑩

下湖在南石橋之西

蔣家湖在城南稅課司之下

陳家湖在城東南市河經其中

白練湖在縣治後

銅湖在信義鄉注田數千頃有銅湖大王廟

珠湖在縣南二十里世傳丁王二仙遺珠於此環湖居者為

傅氏世多文學士

藥湖在縣西二十五里相傳呂洞賓遺丹於此故湖蛇不鳴

菱湖在易俗鄉以湖饒菱荷故名

小湖及上中下三湖皆在信義鄉

鳳池在新市巷西北宋知州盧壯文嘗於池上作澄碧亭

放生池宋守陶夢訓移於水南知州陳普築亭其上曰鳶飛

魚躍之所

紅菱池在鍾秀門外故學產也為民所侵正德八年知府鄭

璠因重修府學稽舊籍復之

進龍池在縣學右南流入蜀江舊為學池棄以界民正德十

年知府鄭璠復取隸本學

飲馬池在浮雲山之南一里許甘泉清冽應使君義兵屯此

瑞州府志

卷之一

地理 山川 志

米山潭在米山西潭極深險舊傳有巨牛赤尾陰晦輒出傷

禾稼人畜應使君除之塞其潭

幸龍王潭在龍王祠下深不可測謠者每以詩及楮幣投之

遇旱禱雨輒應高安志又有龍潭在三十七都為大水口

滿潭皆石有法師持符來頃刻水沸雷雨驟至符焦黑如

火焚因名其地為燒符

市溪一名市河蜀江水自靖安門流入城中經三讓橋世濟

橋迤邐而東出朝陽門復會入江古識云錦水入市河朱

紫滿城多錦水市河通筠州出三公錦水市河連筠州出

狀元宋寶佑癸丑惠政橋成有市河連之象是年姚勉及

第歲久湮塞正德八年知府鄭璠推官汪璠重加濬治上

下當城處建三閘以時蓄泄至嘉靖乙未吳山及第官少

保古識之驗兩見矣歲久又塞 國朝康熙九年知縣張

文且僦工去塞至丁卯癸酉間徐日暉陳守釗朱軾等發

解魁聯捷官宮詹少司農大學士元魁三公之識又應驗

如此

蘇溪在豐安鄉新昌天德鄉之水匯焉經坡山瑞仙橋至巖

上港口入蜀江

斜溪自蕭坊發源經斜橋樟樹橋會梅口入蜀江

務農溪在縣東三十里其水自新建界流入蜀江高安志務

瑞州府志

卷之一

地理 山川 志

農水有二一自虬嶺奉新界南流入江

坳泉在縣南八十里南城村

吳田瀑布泉在縣北西北馬鞍嶺內 高安志吳田作下觀

李八百丹井在郡治後園

狀元泉井即舊貢院井今在縣學戟門左井上有亭歐陽世

善扁曰天一重清天啟丁卯教諭劉國祥有賦今廢

梅仙丹井在盛寶觀丁王二仙丹井在崇元觀

龍見井在縣學內明知縣葉應乾訓導郭文煥清復侵地沒

此井以便汲有碑記

葫蘆井在郡西三里逍遙山世傳李八百用劍畫成葫蘆形